

永年縣志

胡景桂題籤

22.6213
308.0-073

1



河南鄧州胡賓周重印

永年縣志

板存縣署

古循吏居官規畫皆期諸久
遠猷居深念於一邑措施之
迹灼見胸次又慮後人昧於
體要則必謏述其事以相詔
示邑有志乘由來久矣永年
令夏君范卿公暇輯成縣志

三全具示
四十卷蓋據前令王君竹堂
志藁刪定以上繼乾隆孔志
者也書成問序於余余維志
乘之體大而天文輿地政典
人物以及偏長薄技靡不甄
錄徵往事以告來者俾異時

涖官行政有所參考而邑之
俊良亦得景行前賢以為觀
感興起之資編錄之意固不
為無裨乎范卿治邑有聲今
觀所為書其精審也如其律
身其矜嚴也如其砥節其斷


制也如其吏才其宏贍也如其肆應卷中若地形河渠經政序次尤詳期可見諸行事以補前志漏畧洵孔君之功臣而浚來之圭臬也孔志成於乾隆丙子若亦以光緒丙

子經始閱歲竣稿前此百二十年未有續脩茲三年間竹堂倡議於前范卿成書於後足徵循良意趣之同抑所謂規畫宏遠期諸永久者歟范卿名父之子溯源家學蘄然有

以自見余曩守保陽時令先
人百初先生為易州牧得承
馨歆其流風餘韻迄今民有
餘慕是垂諸久遠者又不僅
在編摩文字之後花鄉勉乎
哉受讀卒業爰書數語以勗

光緒三年歲次丁丑六月上
澣按察使銜候補道知廣平
府事白山長啟序





光緒乙亥詔鈺任事永年吏以
縣志進蓋乾隆丙子孔公廣棟
所修閱今百餘年矣先是承
大府檄纂修通志前令錢君敏
宋君陳壽先後設局採訪逮王
君鏞涖任乃哀錄所存未及成

書旋謝事去詒鈺不敏于古昔
作者無能為役顧職任一官而
坐視文獻放軼心弗敢安邑紳
亦以纂修請甚力爰具牘申請
上臺開局編輯經始丙子孟夏
至丁丑三月竣藁夫邦國有志

固將辨其山川土田物產因以
周知利病禹貢九州為之權輿
周官外史小史所掌其書不可
考見度必纖悉詳備適于實用
鄴侯收秦圖籍可類推也官書
著述之體甯朴毋華甯質毋誕

如布帛菽粟之利用而不徒文章馳騁是尚前哲有言史可數百年一修志不可數十年不一修若如後來獵豔之作亦何貴乎修之哉乾隆丙子距今典章損益人事遷改年遠無考者何

限及其未盡亡而哀集之尤為亟矣于是稽之故牘參以輿論因孔志之舊增刪潤色之地形經政視舊加詳新增營制碑碣二志釐成四十卷後之覽者按籍是稽庶或不出戶庭而一邑

休戚憬然在目乎若夫遠徵邃古旁羅軼聞擅述作之宏通騁詞華之淵懿誠愧譎陋非所能及書成授梓因識其緣起如此

光緒三年六月上澣知縣事江陰夏詒鈺識




續修永年縣志姓氏

監修

按察使銜儘先補用道廣平府知府長

啟 滿洲正紅旗人
丁酉科舉人

纂修

同知銜永年縣知縣夏詒鈺

江蘇江陰人
貢生

協修

五品銜永年縣教諭宋薊稷

文安人
庚子科舉人

翰林院待詔銜永年縣訓導張鎮

河間人
優貢

同知銜前河南舞陽縣知縣武澄清

邑人
壬子科進士

採訪

同知銜前浙江孝豐縣知縣郭志瀛丙午科舉人

王子科舉人署高陽縣教諭李士醇

戊午科舉人楊安國

壬戌科舉人辛未大挑二等教福謙

恩貢 生栗璋

歲貢 生李思周

歲貢 生康文明

廩 生崔天爵

廩 生魏詩儉

廩 生閻存仁

校對

同知銜前江蘇丹徒縣知縣邢德昌癸亥科進士

五品銜前東明縣教諭夏彝辛亥科舉人

同知銜前署河南新安縣知縣杜信義辛亥科舉人

五品銜前大名縣教諭傅襄戊午科舉人

壬戌科舉人侯選教諭武雲清

壬戌科舉人辛未大挑二等范恆

乙亥科舉人李承綸

丙子科舉人李允元

壬戌科副榜邢輔昌

歲

貢

生高甲

歲

貢

生楊詢

廩

生孟憲春

兵

部

郎

中武用章

監生

監刊

六品銜永年縣典

史羅繼勳

浙江會稽人

續修永年縣志凡例

一永年有志創自前明縣令宋祖乙現行本為

國朝乾隆中孔公廣棣重修歷年百餘往往今昔異形難

資徵信亦有沿訛日久以及闕畧不詳茲遵通志局頒

發條目博考陳編旁參輿論詳為補正舊志諸序均載

藝文不沒前哲體裁並俟後賢論定

一八景奉通飭刪除舊志卷首毛塚稻浦諸圖亦八景

類也茲刪之

一星野沿革仍舊志其餘增補刪潤者多義具凡例及

各篇首小序序文間仍舊製不盡更易志乘非一家言

不嫌蹈襲也

一志乘爲記地之書疆域最宜詳載山川尤爲地理脈絡舊志河流遷改畧而不詳茲於近年宣防諸役纖悉臚敘律以文體微嫌近瑣然說地之書自不得脫畧地形以求高古也並增列總圖村鎮城圖巷陌各鄉社距城里數或有村名俚俗及今昔訛異者圖中悉用今稱俾詢方問俗按籍可稽傳所謂名從主人也

一山川流峙包絡地軸與開闢俱古學校秩祀典制崇重舊志序次未當茲升山川於疆域沿革之前建置次之水利田賦戶口又次之列學校秩祀於驛傳之前閒

以營制補撰碑碣志以次古蹟寺觀塚墓各有增益風俗土產多仍舊說祥異踵事加繁體例無改以雜稽殿二十志先後進退之間較有脈絡可尋

一永清棗強縣志以吏戶禮兵刑工分隸經政良以志乘爲徵信之書學貴通今尤重於考古也舊志多所漏畧茲既增立營制專門鹽課學額因類附隸其他今昔異宜者悉爲考核增補雖不襲六曹隸事之名而事之應隸六曹者仍不至有遺漏

一校官受祿於朝策名選部亦職官也舊志別立師儒年表稱謂殊未典核茲歸併職官表中

一舊志有封廕年表按封廕爲一門寵榮無關閭邑掌故果其世德作求貽謀裕後自可詳載列傳增立年表轉嫌贅設且封廕限以世不限以年分年立表尤屬無謂至例貢例監多不勝數或謂自減成捐輸後貢監非授職者概不敘入是以納粟多寡定筆削之進退也茲刪除之

一舊志體例最不可從者莫如武功紀傳茲更名兵事錄從雜稽中歸入者若干條宦蹟人物較舊志詳畧分併說各詳篇首小序乾嘉以後事實並增錄焉

一人物傳凡分十體併舊志孝友耆德義行爲一改以篤行名篇孝友姻睦任卹皆六行所統也併方伎釋道爲一改以藝術名篇藝術兼及二氏從晉史例也

一舊志別魏齊諸宋爲列人之族考核詳審獨載宋孝王傳于文苑宋世良傳于藝文自亂其例茲刪之

一舊志列女首錄宋元祐孟皇后與封爵表列唐代宗其失正同帝后之尊下儕臣庶是謂冠履錯列茲刪之一省局新編通志藝文專錄書目詩文分注各條廣平府舊志體例亦同惟偏隅著述無多縣志法宜詳備往往英文妙墨不盡有事類可隸而膾炙人口者茲仍分類哀集之各書序跋採集視舊加廣則仍存目之意也

一舊志錄春秋經傳四條事已畧具沿革志誥勅代言
 不無溢美挑外河疏援舊志八閘碑記之例附註兵事
 錄褒忠諸疏畧具申端愍傳中茲並刪之

一是編經始光緒丙子仲夏閱歲而竣稿仍舊者十之
 四增改者十之六惟是簿書鮮暇舛漏不免博雅君子
 匡其不逮幸甚

知永年縣事江陰夏詒鈺識

續修永年縣志目錄

卷首

序 續修姓氏 凡例 目錄 諸圖

卷一

星野志


卷二

山川志

卷三

疆域志

卷四



沿革志

卷五

建置志

卷六

水利志

卷七

田賦志

卷八

戶口志

卷九

學校志

卷十

秩祀志

卷十一

營制志

卷十二

驛傳志

卷十三

古蹟志

卷十四

碑碣志

卷十五

寺觀志

卷十六

塚墓志

卷十七

風俗志

卷十八

土產志

卷十九

祥異志

卷二十

雜稽志

卷二十一

封爵表

卷二十二

職官表

卷二十三

選舉表

卷二十四

兵事錄

卷二十五

宦蹟錄

卷二十六

人物傳名臣

卷二十七

忠節

卷二十八

循吏

卷二十九

篤行

卷三十

儒林

卷三十一

文苑

卷三十二

材藝

卷三十三

隱逸

卷三十四

藝術

卷三十五

列女上

卷三十六

列女下

卷三十七

藝文碑記

卷三十八


墓碑銘碣傳行狀


卷三十九

書序跋

卷四十



詩







永年系志
 卷首諸圖
 一



永年系志
 卷首諸圖
 一




臨沼鎮城圖





水利圖






縣文廟圖







縣署圖



紫山書院圖





朱衣閣







講堂


大門

義倉圖









永年縣志卷一

星野志

知縣事江



陰襄誥鈺續纂



班書謂廣平昂畢分野志邑乘者宗之夫天體蒼蒼浩
 渺無垠孰為之度分杪析以下應九土而休咎之占往
 往不爽豈非聖人先天不違後天奉若之明徵歟是其
 故非下士所知其理固確有可信矣抑又聞之天道遠
 人事邇後之展卷者願覽所載以修明人事期無愧古
 先哲所為而荒遠之說姑闕如焉是又善於言天者也
 以星土辨九州之地所封之域皆有分星以觀妖祥禮

保章周禮大梁趙也注太行以東至碣石王屋砥柱冀州

屬樞星周禮大梁中呂已之氣也四月建焉而辰在寅

沈周禮

孟夏之月日在畢月令自胃一度至畢六度謂之大梁之

次清明穀雨日居之趙之分野月令

夏三月日在昴畢蠶出而用冰春秋左傳注釋例云西陸

昴也杜以西陸為三月日在大梁之次清明節穀雨中

三統歷云大梁之初日在胃七度為清明節在昴八度

為穀雨中終于畢十一度是夏之三月日在昴畢左傳

昴畢間為天街散為冀州分為趙國春秋元命苞

大梁昴也西陸昴也昴西方之宿別名旄頭爾雅大梁

昴之次名也昴西方之宿名也昴又謂之西陸昭四年

左傳云古者日在北陸而藏冰西陸朝覲而出之又十

一年傳云歲及大梁蔡復楚凶是昴星之名凡三郭云

昴西方之宿別名旄頭者天文志云昴曰旄頭是矣爾雅

疏昴畢冀州昴曰旄頭史記天官書

趙地昴畢之分野東有廣平鉅鹿清河漢書地理志

自胃七度至畢十一度為大梁于辰在酉趙之分野冀

州費直起婁十度蔡邕起胃一度廣平入昴七度晉書天文志

昴七星天之耳目也主西方又為旄頭隋書天文志

自胃七度至畢十一度為大梁屬冀州隋書地理志

昂畢大梁也初胃四度餘二千五百四十九秒入太中

昂六度終畢九度自魏郡濁漳之北得漢趙國廣平鉅

鹿常山河東道古冀州之域漢廣平之地為實沈

三台六星中台下星主趙天市垣二十二星十四趙唐書

天文志

自胃七度至畢十一度曰大梁之次于辰在酉謂之作

噩於律為姑洗斗建在辰今趙分野帝王世紀

順德廣平府天文昂分明一統志

廣平順德二府皆昂分野明史

永年縣志卷二

知縣事江陰夏諡鈺續纂

山川志

古者建國必依於山川郡城東南北三面平行洛滏經

流利資灌溉迤西蔥蘢聳峙羣峯羅列自太行起脉界

晉豫之疆蜿蜒千餘里達磁境而止此亦譚形勢之金

湯而供游眺之勝慨矣山形無改水道今昔遷異茲為

詳考備錄如左

聰明山在城西六十里名勝志云聰明山在城西石碑

社寰宇記云邯山在府城西今名聰明山宋陳薦碑記

此山蓋紫山一峯耳紫山今在邯鄲縣西北三十里水經注云牛首水東歷邯鄲阜張晏謂邯山在城東下今在邯鄲縣南五里歲久山夷聰明山以陳薦碑爲是謂邯山疑誤

婁山在城西六十里山形崇廣怪石嶒嶸舊名狗山一名駐蹕山元和郡國志云臨洛縣狗山在縣西十里山頂上有狗迹因名唐武德五年太宗時親討劉黑闥於此立營廣平府志云唐時碑蹟尙存故一名駐蹕山一名太宗山舊縣志石刻曰唐太宗討劉黑闥君臣會飲於此碑今無考

兔山在城西六十里名勝志云石碑社口有村曰石碑村其上爲兔山

紅山在城西七十里名勝志云紅山踞紫山北山形延袤迴峯環澗其下有屯曰豐稔屯上有泉流自石罅中出土人引以灌稻

和山在城西北七十里

黃要嶺在城西七十五里土嶺長三十里高三里

滏河卽滏陽河源出於磁州鼓山之麓東南行二里許與黑龍洞水合其流始大黑龍洞卽神麇山也山海經神麇之山滏水出焉寰宇記滏水源出鼓山南巖下泉

流奮湧若釜之揚湯故以溢名之流經州東北又東入邯鄲縣界會渚沁二河東北流入永年境賈葛潭水注之又東北為八閘為郝家灣為府南橋又環護堤北折為利民安民間為東橋本名宏濟橋昔年漳溢合流於此又北為便民閘為張西堡又東北為于家寨入曲周縣境河流在永年者長九十七里護城堤相傳築自夏王竇建德明嘉靖閒知府李騰霄修之環城四周東為娘娘口東北為鐵鍋口明萬曆丁未河決東岸村舍湮沒殆盡郡人王端記畧溢河自邯鄲經府城東達曲周悉由地中行獨城東南至利民閘北至宏濟橋約七里許地勢極下兩岸築堤障之堤于西而為城計者澗皆一二里許基址堅牢雖嘉靖閒一以沿水溢而

城北之堤潰再以山水發而城西之堤潰而城東漳溢之堤終如故也至堤于東而為民計者則澗者止十餘步許至場家口呂家口鐵鍋口等處僅三五步許且當水之外弦坍塌恆易兼地勢倍下于西是以稍有泛漲民即凜凜懼其魚也然恃協力嚴防卒亦不罹于患至萬曆乙巳迄丁未秋水灌溢洶湧異常河西居民設不必然之慮藉口倉庫為重宜決溢東之堤以洩水守君未審溢之未嘗為城患也遂聽其說誤于鐵鍋口再為開決而河東二十餘村之田舍漂泊盡矣時張公鳳翔為司理屢爭于守君而不獲乃毅然以杜口為己任鳩畚鍤督理經晝晝夜不輟于是水患息而罹災者始幸安堵未幾公以銓曹去而民如失慈母矣迨公以巡撫來民復如見慈母矣遂投詞准照以永絕開決為請公即批而行諸郡縣日准立碑河旁永遠遵守毋得議決以殃小民嗚呼公之所以護衛我民者不又深且遠哉南橋之東為蓮花口崇禎十一年引水衛城禦寇者也詳兵事錄事平後堵築屢決

國朝順治十六年大雨水溢知縣王報春鑿改河流遠堤自是水不為患其西南與城堤相屬者為賈葛堤遙障郡城袤延三十里形如複嶺自嘉靖萬曆暨順治二年康熙七年水屢決堤至城下乾隆五十九年河決郝家灣壞護堤四關及下馬頭裴家屯邱李各圈西堤根民戶均漂沒灣在城西南八里田堡村草橋東河流紆曲夏秋盛漲奔流蝕岸往往潰決自乾嘉閒大修後順軌者數十年而日久堤薄堤北窪如釜底水發晝夜防守居民病之同治十一年四月知縣錢敏詳請勘辦於沿河十九村莊按畝賦工城關商富捐輸助役計開新河

二十八丈寬四丈對灣取直水由東北直下堵築北流舊河身築土壩一道長二十五丈上寬三丈下寬五丈培築河東西岸長一百五十丈寬一丈數尺不等並挑挖草橋東北水淤簸箕掌三處六月初十竣工光緒元年奉 督憲檄飭滄陽河淤淺商船阻滯各州縣設法挑濬並加高橋梁填築私溝當時稟復謂淤患不在於河道之不深而在來源之不旺挑濬後水驟低落數尺各閘涵洞反高據水面不能引水溉田農業且廢大吏亦自以繁費止之按縣境四河溢號為有利無害漳河南徙水患益減民相與習而安之雖夏秋盛漲低窪地

三全縣志 卷之二
畝間或被淹不在成災之數無足記也其分水及建閘
本末詳水利志

洛河在縣北源出山西遼州受山河七十二道之水自
河南武安縣繞紫山北雙流合滙入縣境南陽城村東
至辛莊堡入雞澤界洛名不見水經元和志洛水在永
年縣南蓋今昔異形矣其爲患也始見宋元豐四年歷
金元屢見載記顧時代久遠修築之役不可考明萬曆
中洛決辛村水勢南趨知縣馬翰如築堰捍禦使歸故
道是爲辛村治河之始自後百餘年不爲大害馬公且
崇祠名宦云洛在陽城村以上一泓清淺褰裳可涉出

險經臨洛鎮而流始大夏秋水漲浩瀚迅厲辛村者在
郡城西北三十五里地勢北高南下隄旁居民又多決
水合溢以淤地則次年麥收倍稔

見舊府志及同治趨
十一年羅署縣稟

目前之小利而隄土日庠薄又水性之順下也日積月
久往往大決而不可禦乾隆二十二年河決南趨至八
汪村北折向東流經茹佐楊李太辛莊北郭石官營大
營頭等村會入牛尾河河身隘狹不能容水則漫溢爲
患自縣西南翟路張徐等莊下及雞澤南和平鄉任縣
均受其患而郡城護隄亦時虞潰決乾隆五十九年河
決城西隄水與城齊西北鄉巨浸接天幾四十里六十

年築辛村壩嘉慶三年知縣李景梅補修之六年復決
 二十五年知縣凌泰交道光二年知縣沈醇厚繼築壩
 工旋堵旋決五年民人李玉顛稟大府請借帑興修估
 費十餘萬金擬在永雞南任四縣地糧分年帶徵歸款
 嗣奉

旨停工

是時各直省工程均停修三年十四年復決郡西隄漂沒民舍城闈之
 外悉為澤國自是水益南趨十五年咸豐八年兩經會
 員勘議興修未果而故道年久淤淺幾成平陸當時議
 者謂河流必不可復而縣西各村自改道以後斥鹵化
 為膏腴畝收一鍾貪習其利亦共執持之同治九年河

直趨入汪村以南東注大小落馬北護駕等村曩受河
 利者且漸受河害翟路張徐等莊幾不能自存是年邑
 武舉苗泰來倡率附近居民築堵決口水無去路築已
 輒開十年雞澤生員廖庚辛曩固屢訟河事被褫革者
 也復偕南和平鄉等縣衿民具稟顛請興修時今制
 府合肥李公鴻章前方伯太倉錢公鼎銘檄行下縣並
 檄今廣平府知府滿洲長公啟順德府知府宜興任
 公道鎔協同規畫下游雞南任三縣各濬河令深廣容
 水而永邑則築壩挑河同時並舉工程最為繁鉅知縣
 錢敏邑紳武部郎汝清實總其成焉挑河之役始十年

五月河旁各村按畝賦工濬河深各丈餘廣六七丈河口廣三十餘丈又築決口大壩以遏其橫流壩外爲土埝又外爲迎水壩旁爲隄岸上接皮坡莊土隄共長七八百丈壩工始是年秋末費萬餘緡永雞南三縣分任之至十一年二月兩工並竣河復故道知縣錢敏復合雞南籌款生息每歲春月募夫挑濬舊決口至王馬營浮沙以護隄工並通詳立案嗣後遇壩工大修永邑任其半雞南合任其半二邑在洛河下流均沾水利故也十二年知縣王鏞續修大壩及迎水壩加高培厚是時制府閱伍畿南親臨指示並捐資助役焉十三年署知

縣羅慶熙築楊家莊漫口光緒二年知縣夏詒鈺築許家莊土隄工甫竣六月大霖雨晝夜不止河水驟漲漫過灰壩迤西土護隄決口十餘丈壩東沙護隄漫決八十餘丈自許家莊至郡西隄一望澤國耆老謂山水盛漲爲道光十四年後所未有幸大壩橫巨力與水抗雖壩東西護隄被決然已殺其慄悍之性不使全力悉趨郡隄否則害有不可勝言者事聞飭三縣會籌堵築詒鈺捐廉爲倡並集捐沿河民地得京錢六千餘緡雞南二邑各捐千緡則以二縣被災較重未能如約合任其半云三年二月制府李公以閱伍莅郡時壩工經始

親詣相度誥誠官紳者甚備復以工程浩大經費不足由賑局籌撥千金令招被淹村民工作以代撫恤於是要工始克盡舉計修築大壩西決口三合土壩十一丈舊存大壩五十七丈加高二尺三寸決口迤西護隄次受水衝改築三合土壩三十三丈加高培厚舊土護隄一百五十七丈接築迎水壩六丈改築許家莊決口三合土壩八十六丈壩後用沙土培壅以資捍禦壩前用挑出河泥培護壩根以防湍嚙新壩東西沙土隄加高培厚二百餘丈補築北岸沙隄決口三十三丈壩依地勢各高丈四五尺及丈餘不等寬廣丈數尺土隄各高

七八尺沙隄高二丈丈數尺不等又挑濬河身五百餘丈寬十丈至五丈深數尺不等又堵築下游席家莊北岸土隄決口十二丈共費萬二千緡興役於正月二十七日竣工於四月十九日是役也多稟 制府成算且捐助鉅資俾補築挑濬之役曩所籌度而未果舉行者一旦告厥成功而全河一律順軌工既訖樽節餘存得錢六百緡合之舊存二千緡生息以備歲修復議章程四條勒石河干永遠遵守

每年二月官紳祭龍王廟查勘河口大壩如有淤墊殘

缺隨時修濬一民間決隄灌地即責成決口村莊賠修並不准侵種隄岸一遴選沿河公正紳董八人分四班每年兩人經管生息歲修及義學各事宜開歲二月交替一大壩東土隄上蓋汛房一座僱附近村莊人夫兩

名看守自五月至七月底止晝夜住宿遇水發漫溢計
鳴金集衆堵築近河農民約聞聲畢集不得推諉

洛河所經西陽城而下爲石碑口臨洛鎮裴坡莊西蘇
孟上村而至辛村迤東爲東西講武許家莊王潘莊前
後王馬營楊李太辛莊南北卷子席家莊馮家莊黨家
莊東西楊莊屯莊司郭莊豆家莊辛莊堡入雞澤縣境
在永年者長八十里

牛尾河在城北通志曰潞河土人或呼劉潞河舊志曰
舊滏河無源之水也八閘引滏水灌地以河爲尾閘東
流經大營頭村會城北通水閘所洩之水大營頭村舊
志以爲卽方輿紀要之泊頭也又東爲借馬莊陳義又

北爲下堡店入雞澤縣境方輿紀要以爲自泊頭入曲
周界蓋支流分注耳河形淺陜水自稻田迤邐下趨平
衍不能爲害大雨時行奔流漫溢亦不逾時輒消落冬
春之際僅具河形而已自乾隆二十二年洛南決入牛
尾河水患始棘同治三年五年知縣王德炳九年知縣
錢敏相繼議籌挑濬自西閘村至張徐翟路等莊按畝
賦工至十二年洛復故道乃已按牛尾受滏河之水地
又窪下近洛洛水暴漲往往奪流南趨宣防之責後來
者所宜加意也

沙河在洛河之北一名馮水源出山西遼州自順德府

沙河縣入邑境通志沙河自沙河縣分爲二支一入永年縣經雞澤縣與洺河會爲沙洺河一由沙河縣南爲程寨河亦曰新沙河今沙河在廣平府境者惟由永年入雞澤亦一之支矣按沙河水挾沙磧水去沙留河成平陸不爲耕種之利又沙性無可施工故歷來疏濬之役未之及焉

漳河故道在滏河之南漳源有二至河南涉縣合流東行經磁州邯鄲入永年境舊志明永樂九年漳河決張固村與滏陽合流萬曆二十八年給事中王德完言漳決高家口經廣平肥鄉永年至曲周入滏水是明一

代漳在縣境之明徵顧遷徙不常與滏河分而復合其

故道今可見者距滏遠或十餘里近亦數里惟郡城東

橋土人尙指爲當年漳滏合流之所云

邑人杜霽遠記
衡漳昔在列人

去郡頗遠頻年北徙漳滏合流者十餘年水勢洶湧慮且難支順治癸巳漳返故道里人舉手稱慶


國朝康熙二十三年河南徙縣境復無漳

賈葛潭在城西二十里受邯鄲西山之水東流注滏河

琵琶潭見通志舊志云裴坡潭在城西四十里

黑龍潭在城北三里其水深黑相傳有怪獸居之禱雨輒應康熙七年大水決隄有巨鼃浮出官民祭之以爲神水落後潭廣於舊

方頭固潭在城北二十里見通志今湮



永年縣志卷三

知縣事江陰夏詒鈺續纂

疆域

昔先王分疆畫井以奠民居九州之內萬國郡縣既建
 規制大率相仿觀夫地方百里上應乾度政教于是成
 財用於是人文于是薈萃疆域志誠全志之綱領也
 綺壤繡錯則思何以輯和幅員修廣則思何以富教苟
 或昧于地形而謂瞭然一邑之故吾斯未信輿地城池
 既詳繪成圖記里定方其說詳具斯編後有作者按籍
 可稽至若舊志漏畧及今昔差異者並為增輯焉

東至曲周縣界閻胡寨二十五里 東北至雞澤縣界

南雙塔二十里 東南至廣平縣界長橋村二十里

南至肥鄉縣界吳良寨十五里 西南至邯鄲縣界井

兒寨二十五里 西至河南武安縣界康徐嶺七十里

西北至順德府沙河縣界杜村四十五里 舊志作邢臺

東南有杜村與縣接壤應係當時筆誤 北至順德府南和縣界朱家莊五

十里 至省六百三十里 至京九百六十六里

鎮四曰臨洛 大由 牛家堡 曲陌

社二十三曰在城 關廂 東曰中堡 閻胡 下鄉

辛莊 西大由 西曰雙陵 茹佐 李固 杜村

陽城 石碑 南曰南中 井家 周村 閻村 北

曰孫陳 鄭西 柳村 七方 辛寨 劉營

屯五東曰張西 東大由 西曰辛安 南曰東家

北曰豐稔

營六西曰落馬 馬剎固 張固 北曰閻村 北郭

太辛

集二十曰東關廂 南關廂 西關廂 北關廂 臨

洛鎮 曲陌鎮 北汪 新莊堡 長橋 周村 牛

家堡 大由 閻村 東家堡 劉固 東橋 南橋

鄭西 東楊二莊 西楊二莊 茹佐 劉營 講武

西河莊

在城大街四南曰興行轉東曰遵道 懷仁 近賢

東曰遵義轉北曰太和 懷德 時雍 西曰化德轉

南曰存信 睦親 敦俗 北曰聞樂轉西曰尚禮

禮讓 太平 返樸 新興 勸善別有四隅角街按

行等十九街命各自前明郡守蔣彬當時或有此稱今則自四大街而外某為昔之某街並難確指其地矣茲于城圖衛巷悉用今稱存舊說于此以備本邑掌故

縣東鄉村曰上馬頭五里史家堤五里宋家堤五里夏家堤五里

東橋五里借馬莊五里裴家屯五里河西堡七里陳義八里孫目連

寨十里宋寨十里劉宋寨十里義井堡十里善寨十里呂寨十里王寨

北袁寨十一里劉橋十一里陳家莊十一里李家莊十一里王

家莊十二里司郭莊十二里東小西堡十五里西小西堡十五里

南官寨十五里北官寨十五里長橋十五里門寨十五里西河莊

十五里張西堡十五里張西屯十五里西七急十五里南七急十五里

辛莊堡十八里南河莊十八里北河莊十八里高寨十八里劉

寨十八里姬家莊十八里李家凹十八里李八寨十五里李二八

寨十八里李胡寨十八里井八寨二十里岳寨二十里甄家莊二十里

里賈寨二十里陳寨二十里馬軍營二十里顧小營二十里趙城

堡二十里四中堡二十里東小屯二十里郵家寨二十里小閣胡

寨十八里西大由二十里東大由二十里大閣胡寨二十里庫官

營里十八 于家寨二十里 岳家小寨二十里 邢家屯二十里 杜家

屯二十里 史家屯二十里 賈下鄉二十里 夏寶店二十里 共六十

七村莊

縣西鄉村曰張呂隄里 三路家莊三里 翟家莊四里 張郭莊五

徐家莊六里 南胡賈八里 北胡賈八里 大張村里十 小張村里十二

何營十五里 大慈新莊十二里 鄭家莊十四里 大落馬十八里 小

落馬十八里 東張固十二里 西張固十五里 關庄十五里 馬到固

十五里 宋小營十五里 東大慈十五里 西大慈十五里 弓家莊十六

里 鄭家營十六里 八汪二十里 茹佐二十里 許家莊二十里 王磐

莊二十里 孔村二十里 范家莊二十里 南賈葛二十里 北賈葛二十

里 三塔八里 馬固二十里 東講武二十里 西講武二十里 六星

二十里 周村五里 念頭五里 東蘇村八里 西蘇村三十里 孟

尚三十里 上村里三十里 方頭固三十里 雙陵村里三十里 辛村里三十

李懈三十里 趙固三十里 洞兒頭三十里 東由村三十里 劉營三十

里 龍曹四十五里 五里村里四十五里 西朱莊四十五里 蘇固三十里 李固

三十里 皮坡莊四里 岳莊四里 西榆林四里 龍泉四里 冀

尹固四里 瓜井五里 睢凝四里 大杜村里四十里 魏家莊四十

里 東灘頭四里 西灘頭四里 施莊四里 苗莊四里 興業

四十里 南劉固四里 苗小屯四里 臨洛鎮四里 甯家屯四十

里 段莊四里 河北舖五里 西大屯四里 七里店四里 鄭

村四十三	曹莊五里	東趙莊四十里	東洛陽四十里	西洛陽四十里
界河店五里	兩頭岡五里	石碑口五里	申家莊五里	
曲家屯五里	柴家凹五里	東陽城五里	南陽城五里	
西屯莊五里	婁山村五里	大石山六十里	小石山六十里	陳
家溝五里	中趙莊五里	西趙莊五里	北陽城五里	温家
窑五里	東楊窑五里	王家窑六十里	陳河莊五里	劉家窑
六十里	李孟灣五里	南高窑六十里	戴家莊五里	西陽城五十
五里	婁里六十里	台口六十里	北高窑六十里	大繇村六十
里	吳莊六十里	李家溝六十里	冀家窑六十里	張家窑五十
里	小郭窑六十里	通頭里六十里	李三窑六十里	胡賈溝六十
				鄧

上六十二里 永合會 六十里 翟莊溝 六十里 鄧底 六十里 郝莊 六十里
 張家邊 六十里 米家窑 七十里 西楊窑 七十里 西辛莊 六十里 上
 莊嶺 七十里 南郭窑 八十里 共一百三十一村莊

縣南鄉村曰下坡 三里 韓家屯 五里 譚家莊 五里 南橋 五里 蓮花
 口村 五里 馮家隄 五里 張五莊 六里 牛家屯 七里 草橋 七里 八里莊
 八里 南大堡 八里 東馬莊 八里 田堡 八里 西杜馬莊 八里 東張寨 八里
 西張寨 八里 南閣村 八里 西城村 八里 孫李村 八里 西王莊 九里 前
 大西堡 十里 後大西堡 十里 店 十里 魏家寨 十里 申劉莊 十里
 連寨 十里 東閣堡 十二里 西閣堡 十二里 趙寨 十二里 璩家屯 十二里
 里 東家堡 十二里 西官寨 十二里 閣門寨 十二里 韓寨 十二里 郭

家堡十五里 東吳良寨十五里 西吳良寨十五里 西閻村十五里

田寨十五里 胡寨十五里 東周寨十五里 西周寨十五里 高家莊十五里

姚寨十五里 李寨十五里 楊寨十八里 北中堡十八里 南王莊二十里

張李莊二十里 南井寨二十里 北井寨二十里 徐許莊二十里

牛家堡二十里 袁家莊二十里 沙屯二十里 南中堡二十里

東河東堡二十里 西河東堡二十里 清涼寺三十里 共五十九里

縣北村曰隄圈村 北馬莊五里 大營頭五里 相公莊六里 陳村鋪八里

北閻村十里 石官營十里 北郭十里 北屯莊十二里 許官營十二里

郭家莊十二里 馮楊莊十五里 東陳甫十五里 西陳甫十五里

東楊莊十五里 西楊莊十五里 楊家莊十七里 康家莊十八里

竇家莊二十里 李家莊二十里 太辛莊二十里 周家營二十里

馬家莊二十里 黨家莊二十里 席家莊二十里 尙古二十里 南卷子二十里

前王馬營二十里 後王馬營二十里 東趙王固二十里 西趙王固二十里

故城二十里 曲陌鎮三十里 堯子營三十里 舊寨三十里

東七方三十里 西七方三十里 北卷子三十里 西卷子三十里

溫北汪三十里 張北汪三十里 郝北汪三十里 河北北汪三十里

徐北汪三十里 石北汪三十里 南正里三十里 北正里三十里

東辛寨三十里 腰彰三十里 趙目連三十里 莊集三十里 西辛寨三十里

大北汪三十里 張虎莊三十里 劉漢四十里 前高岳四十里

五後高岳四十里 柳村里四十里 南尹固四十里 北尹固四十里 韓

店四十里 白塔五十里 劉貝五十里 正西五十里 張家灣四十里 鄭

家灣四十里 楊家灣四十里 宋固四十里 高固四十里 北陳村四十

里 寨里四十里 北榆林四十里 賈家莊四十里 北劉固五十里 北


朱莊五十里 台家灣五十里 劉家灣五十里 武家莊五十里 腰村

五十里 共七十九村莊

四鄉共三百三十六村莊

邑人胡咸吉堪輿論風水之說關係匪輕時人習於一時之便忽而不察往往深受其害不可救拯非淺鮮也故君子將有營建開鑿疏濬之事必先使通形家者將陰陽向背有無妨碍雖在一鄉一家或立神祠或鑿溝渠或起臺觀必須廣詢庶謀輿論僉同然後興作乃起也未有塹山湮谷之舉關係都邑之利害乃出自一村

夫之胸臆突然而起而莫知能制者請得而畧陳之吾郡形勢起自太行從林慮分枝落脉自滏源神麴山起鼓山傳紫山過紅山申家墳再起聰明山迤邐由洛河南岸至石官營北郭一帶高起結郡城一枝自紫山共城等處出大峪莊由滏河北岸繞郡為案蟠據於借馬莊而下曲周其北者自北郭由大營頭入起娘娘墳社稷壇堆起高阜實郡之坐山也自天王廟入城結府治迤西而南故郡之紳宦多居西南謂風水之說信乎否乎往者奸人射利於教場後魏等村拖坯剗斷郡龍項諸生曾屢籲當事請行禁止近有土豪某某陸輿射利之謀於聰紫交脉之際剗創煤窑茲事所關更大夫山者地之骨也煤者山之髓也今有人敲骨而吸其髓其人痛否活否夫地為人之一大母而山又其骨髓鑿之必大傷天地之性矧又在一郡入脉之處為害有不可言者伐萌斷根所宜及其事之未成而早為之計也敬告搢紳先生在庠良友念此地方大事當發憤偕往亟請於公祖父母急為禁止無使滋蔓難圖則國脉幸甚人心幸甚矣



永年縣志卷四

知縣事江陰夏詒鈺續纂

沿革志

前邑令孔廣棣曰范史郡國志云縣名先書者郡所治也前漢晉史於廣平國並先廣平隋仁壽元年改廣平為永年今所稱廣平者置于金大定七年則自大定以前稱廣平者皆永年明矣漢廣平之外復有廣年考其故址在今邑東北而臨洛故城即漢之易陽後並來屬是古之易陽廣年皆今永年地也禹貢衡漳之地注疏家謂在今涉縣地理今釋所謂漳水由廣平者即今之

廣平水之南漳河故道乃漳水所徙其于禹迹尙遠舊志顧據之以爲唐殷甸服之地舛已今爲訂其謬之大者著于篇在古無考者則不敢妄爲說云

唐虞夏商周爲冀州域

春秋爲曲梁雞澤

雞澤或曰衛邑宣十五年晉荀林父敗赤狄于曲梁杜註今廣平曲梁縣也杜時曲梁屬廣平郡襄三年諸侯同盟于雞澤杜注在廣平曲梁縣西南下文揚干亂行曲梁卽前之曲梁也

秦爲廣平屬鉅鹿郡易陽屬邯鄲郡

前漢爲廣平縣 曲梁廣年皆屬廣平國武帝征和二

年置爲平干國宣帝五鳳二年復故易陽屬趙國曲梁

王莽改曰直梁廣年曰富昌

後漢爲廣平縣廣年縣屬鉅鹿郡曲梁侯國屬魏郡易

陽屬趙國

晉爲廣平縣廣年縣曲梁縣

屬廣平郡隸司州部

後魏爲廣平縣曲梁縣廣年縣

皆屬廣平郡地形志

廣平治廣年城

北齊爲廣平縣

廢廣平郡曲梁縣廣年縣統爲廣平


縣易陽廢入襄國縣


後周爲洛州 周初置洛州治廣平復置易陽縣別置

襄國

隋開皇初廢廣平郡置廣平縣後改曰雞澤仁壽元年
 改廣平為永年并曲梁入之大業初為武安郡治併雞
 澤縣入之開皇六年改易陽為邯鄲十年改邯鄲為臨
 洛唐為洛州治 初為武安郡天寶元年改廣平郡武
 德元年臨洛屬紫州四年州廢又隸磁州六年屬洛州
 五代梁為洛州屬保義軍
 宋為永年縣屬洛州省臨洛縣為鎮入永年為河北路
 元為永年縣 廣平路倚郭
 明為廣平府治永年縣 初屬大名道後屬順廣道

國朝為廣平府治永年縣 初屬順廣道改屬大名道今
 屬大順廣道





永年縣志卷五

知縣事江陰夏詒鈺續纂

建置志

舊志建置自城池至津梁分子目凡八各詳其修建營繕之次竊慨然曰興作必書春秋之義古者行人入境亦辨其館宇道路之廢治以覘國政蓋風俗之隆替人心之敦薄係焉今觀任事諸公莫不各有政績表見不僮藉是以傳姓名然其視官事如家事卽此亦可類見矣百餘年來興改非一茲詳爲補正後來者願無以傳舍視斯土也

城池

永年附郭廣平府舊城始唐以前周六里二百四十步
 元侍郎王偉守郡增築為九里十三步明成化間知府
 熊懷重修嘉靖二十一年知府陳俎登以磚石高三丈
 五尺廣二丈五尺上建城樓四座角樓四座舖舍二十
 六座以便戍守內置甬道二十九繚以門垣四十三年
 知府崔大德加重垣于郭以防水患崇禎十二年知府
 歐陽圭生改舊堞一千七百五十二為八百七十六增
 舖舍五十七座高堞牆三尺各甕城外設重門樓櫓

國朝康熙七年大水浸城傾頽數處知府劉光榮重修歷

百餘年至乾隆五十九年洛水決堤壞城垣七十餘丈
 嘉慶初知縣莊允治詳請興修因費絀中止道光二年
 十四年大水壞城至二十三年又續坍三十餘段咸豐
 二年知縣陳政典修外垣磚工五年修南城樓六年知
 府長啟修東西城樓九年知府王啟曾修北門城樓同
 治三年知府楊毓柟修城內土垣官紳共捐京錢三萬
 餘串用石灰和土徹
 底興修工堅料實一律完固四年知府李朝儀知縣王德炳修西北
 隅外垣其南關閣門道光五年知縣沈惇厚重修同治
 七年禦東捻有效乃增建堞口並建東西北關閣門
 池舊深一丈闊十二丈金正隆中盜起洺州防禦使伯

德特離補引水注城壕以為固明成化十二年知府李
 進建開引水蓋師其遺製也嘉靖間知府陳俎崇禎十
 一年推官余忠宸知縣宋祖乙益浚治濶三丈深一丈
 年久淤

國朝咸豐九年知府王啟會濬之改啟安民開引水注濠
 廣者或數十丈東捻入境郡城獲全濠有力焉

臨洺鎮城在縣西四十五里舊有遺址明嘉靖二十一
 年知府陳俎知縣閻文貴重建南北二百二十丈東西
 半之基廣一丈八尺高一丈九尺六門城樓臺堞具備
 明設巡檢萬曆二十六年移通判駐之

國朝道光二十二年通判缺裁廣平府同知移駐臨洺鎮
 同治六年同知林世俊詳請興修經費不敷及半而止
 曲陌寨溫北汪寨大北汪寨正西寨同治元年築東楊
 莊寨宋固寨席加莊寨高岳村寨七年築

官署

縣署在南大街迤東明洪武三年知縣陸禮建成化十
 二年知縣耿璠重修嘉靖三年知縣孫允中五年知縣
 宋瑛相繼增修嗣後修葺年久失考

國朝同治十年知縣錢敏重修

照壁 申明亭廢 旌善亭廢 懲惡亭二亭在大門之東西廢 大門

三間 儀門三間 東西角門各一座廢 戒心坊一座

大堂三間同治十年修 東西耳房各一間廢 堂前簷房三間

捲棚三門 左庫樓三間 右庫廳廢 吏房三間 戶

房五間 禮房三間 兵房四間 刑房四間 工房

二間現三 倉房二間 東房三間現二 承招房三間

馬政科二間即抄書房 庫房二座五間 東西皂隸班房四

間 快手班房四間大門內東 民壯班房三間大門內西 捕役班

房三間大門內西 土地祠大門內東 寅賓館土地祠東已廢 關聖祠三間

寅賓館東門房三間儀門東 監獄儀門西 週圍牆垣長四十六丈

高一丈八尺寬四尺內獄神廟一間男女監房九間嘉

慶十九年修道光十六年知縣邊青藜二十九年知縣

韓象鼎同治十年知縣錢敏重修 禁卒房二間 草

廠房二間 馬夫房三間 馬棚六間 馬神廟一間

一堂三間同治十年修 川廊三間 宅門三間 三堂三

間 簽押房二間三堂東 西耳房二間廢 南房二間 東

西配房二間廢今東院南 門房二間宅門東 東花廳五

間今三 東書房前院三間今正房三間北房 後院五間

今正房三間 補過齋四間廢 箭道東房三間今縣署無

東廂房三間其地所在惟廚房後有書 內宅正房五間 東西廂房

房六間正三間東廂三間今增東 內門房一間廢 樓五間

各三間 東正房三間今增東 內門房一間廢 樓五間

今五堂房三間仙樓三間

廚房三間

縣丞署在縣署東今廢 主簿署在縣丞宅南今廢

典史署在縣署右

行署

察院一在縣治東南明萬厯間知府喬因羽改建試院今為督學使者歲科校士之所同治十年知府長啟重修一在東大街後改講約所今廢

行太僕寺在縣署北明崇禎間添設順廣道駐此今改遊擊署

公館二所一在臨洛鎮北門內道光初知縣沈醇厚購

置一在驛後光緒三年知縣夏詒鈺重修二公館添建西廂屋三間

荒政

常平倉在縣署東北康熙間知縣朱世緯建國儲充裕民食豐盈厥八座共房三千八間嘉慶五年圯

新倉在馬家營北雍正八年知縣侯可大建後改建城

內南街廣收積餘普濟厥六座共房三十間原額存穀

一萬八千石厯任虧缺道光二十五年奏存穀一萬二

千一百四十五石是年奉文買補前縣動缺倉穀千五

百石二十六年旱借給有地無力農民穀八千一百五

十石二十八年借給上年秋禾被歉村莊農民籽種口

糧動用穀一千八百六十六石二十九年清還三十年
出借上年秋禾被旱歉收璩家屯等村莊籽種動用穀
一千九百零五石是年收還穀一千三百四十九石以
上除動缺外實存穀四千九百三十九石咸豐四年奉
文賑濟被賊滋擾之臨洛關等村莊極次貧民口糧全
數動用無存同治八年前縣王庶曾將倉基出租法國
教堂常平倉遂廢

四鄉義倉原額十一處東大由辛莊堡牛加堡南閭村
周村八汪大八汪曲陌劉營北劉固臨洛鎮各三間嘉
慶二十年奉文興復義倉因倉座盡圯未能修復知縣
袁俊置買城內南街與常平倉相連空房十二間存儲
捐穀咸豐四年賑濟被寇村莊倉穀三千二百七十石
全數動用無存同治八年王庶曾出租法國教堂今廢
新建義倉在新倉之南知縣王庶曾捐置知縣王鏞羅
慶熙倡捐經費光緒元年知縣書端建倉廩房五間義
學三間羣房十五間冬月落成

惠政

養濟院在城東北隅北小街乾隆五年知縣丁應蕙奉
文建同治十一年知縣錢敏重修
留養局乾隆間總督桐城方恪敏公飭屬建在臨洛城

者局舍三十六間知縣孔廣棣碑記所謂規制廣于城局者也城局基址現無可考設局之意本爲留養外來貧病流民後改爲冬令散放錢文同治十年署大名道祝奉制府檄督飭各屬舉辦教養署知縣宋陳壽稟最爲詳盡畧謂留養一節永年原有生息本銀五百兩每息銀一百每並地租銀二十商捐等項多每歲所入總四兩零不等在五六百千上下從前局設臨洺鎮冬令置備鍋竈柴米分派書役家丁慎重其事前往辦理無如每歲入局者不過數人緣外來乞丐多係年力少壯生性散野不肯爲一日兩餐拘束往往局中正用少而枉費多是用

積漸廢弛而房屋亦從此傾圮迺因生息無可開銷于是曉諭本地貧民以十月赴署報名盡一歲所入酌量散放一次數十年來習爲固然倘或一朝失望還恐別滋事端現查永年孤貧口糧向發京錢二千五百按之時價每兩尙有贏餘每年亦不下四五百千擬將此項作爲每歲冬令散放貧民之用其留養生息設法規復舊制洺鎮留養局先行修葺平屋數椽按日散放口糧俟將來就食者衆再行添葺房屋爲煮粥之計奉 各憲批飭准行嗣後知縣王鏞羅慶熙皆因用其制以孤貧贏餘添入冬令散放惟留養舊規一時卒未能復云

漏澤園二俱在城南一知縣耿鳴雷置一知縣張振秀置

武備詳營制志

驛遞

臨洺馬驛遞運所在鎮北大街舊設所大使經營後歸併驛丞經營乾隆十九年裁歸縣額設夫馬詳驛傳志驛內東西馬棚兩座差廳四間花廳三間羣房三十餘間同治十年知縣錢敏重修

坊表

解署前各坊多非舊式且諛詞無實茲概刪之

金榜題名坊

白一雁塔同登坊

姚三讓李杜等

畿輔文獻坊

黃甲羣英坊

青雲聚彥坊

世登天府坊

聯芳坊

觀光坊

進士坊十

周京張大謨杜瑄胡瓚胡應文申綸焦澤王朝相申价賀思聰

大

中丞坊

連鑛李堯德

柱史坊二

胡應文徐英

繡衣坊二

連盛胡瓚

龍章

寵渥坊二

姚儼周富

明時臺諫坊

姚三讓

獨步天衢坊

劉諫議俸

坊

周京 翀霄坊

一品宮保坊

盧大中

大司空坊

都憲坊

亞卿坊

胡瓚 御史坊

三世進士坊

連盛連鑛

經魁坊

連三元

高三世褒封坊

蘭臺侍御坊

內臺總憲坊

申兄弟

進士坊

徐瑁徐銳

名邦別駕坊

盧重華

清朝侍臣坊

盧煥 魁秀坊

申昂雲坊

王純 奕世承恩坊

盧廷珠盧大謨盧大節

四世

科甲坊

杜秉彝杜蔭杜糜杜廓杜汝亮杜霽遠杜汝慤杜震遠

天寵恩榮坊

杜浩登

科坊馬之麟 天寵褒封坊馬驥 敦廉里坊蔡國熙 蘭臺直諫坊

李養志 父子進士坊宋范宋學道 拔秀坊宋儒 九重旌表坊申成妻李

氏貞烈坊 周京貞節坊 十申佳允母軒氏李春綦母方氏甯三樂妻馬氏李復妻胡

氏劉廷璋妻王氏宋忠妻郝氏郭兆麟妻李氏趙昌樑妻解氏冀如鏡妻王氏王于燕妻趙氏王于洛妻崔氏

彰善坊在城南關乾隆八年知縣王玲奉文建

津梁

廣濟橋城南五里 宏濟橋城東五里 韓家屯橋城

南五里 太辛莊橋城西北二十里 大營頭橋城北

三里 安惠橋城西南十里閭村 田家堡橋城南五

里 普濟橋城西十五里大慈村 閻子橋城東南五

里 小營頭橋城東北二十五里 賈葛橋城西二十


五里 辛莊堡橋城東北十八里 寶家莊橋城北十

五里 張西堡橋城東北十五里 西閭村橋城西南

二十五里 沿河橋城西北五十里高寨 沿河渡城

北二十里 沙河渡城北四十里 柳村渡城西北四

十里



永年縣志卷六

知縣事江陰夏詒鈺續纂

水利志

西北水利難言之矣說者謂水挾沙磧不若南方塗泥之地易為順軌又溝洫不修故旱乾而水澇夫由前而論誠非人力所勝若溝洫之不修亦豈天之限之哉永年水泉鹹苦記諸元史郭公規畫斥鹵化為膏腴李高諸公繼之水利遂甲他邑入存政舉是之謂矣若夫因利肇爭屢塵案牘至達

天聽經部議而日久禁弛茲備列之簡端以存曩時之制亦

三全縣志 卷之六
俾後之講求利病者有所考焉

縣境爲河者三

漳河久徙牛尾
卽滏之分流也

沙河三時水涸盛夏汎

瀾湍悍挾沙磧民弗利也洛號爲福河灌堤旁田一千
餘頃民習藝麥同治十三年知縣羅慶熙稟稱居民每
壅堤令溢以水災免秋租水去淤留次年麥收倍蓰積
漸不已往往潰堤自辛村壩工築後守吏不時巡行堤
旁取土者有厲禁數年來河流順軌濬築之役詳山川
志茲不具記記滏河元至元五年十月洛州路言洛州
城中井泉鹹苦民食用多作疾疫死者甚衆請疏滌舊
渠置壩插引滏水分灌洛州城壕以濟民用至正間郭

守敬言磁州東北漳滏二水合流處引水由滏陽邯鄲
洛州永年下經雞澤入滏河可灌田三千頃又王允中
請開洛州等處漳滏滏河以灌民田是爲永年水田之
始若夫修濬之役則明代爲詳滏之由邯鄲入境也爲
賈葛口次入閘性宜稻閘旁稻畦溝洫四注每當穀紋
縐風蛙鼓喧夕景候類江南水鄉舊志列爲八景之一
首廣仁閘在城西南二十里賈葛村萬曆四十二年知
府張和忠建次普惠閘在十三里馬到固嘉靖四十二
年知縣朱泰建次便民閘在大慈村萬曆十五年知府
蔣以忠建次濟民間在十一里王家莊嘉靖四十一年

知府柳希珙推官楊沛建

邑人杜秉燮記歲已未旱庚申大旱生民轉徙奔命石南

楊公時司理廣平議獄緩刑冀答天意循行阡陌見塗

水東北築大堤堤下鱗齒不毛地以萬計集父老告之

曰水之利大開之利溥是可開以濟若父老曰惟命遂

請于巡撫近淮董公巡按毅齋楊公兵備見吾陳公皆

報可捐俸五十金助費適郡伯金山柳公以代至出粟

六百斛以給不貸命陰陽官杜秉論相地度址隴石鳩

工庶民子來河喂建開表口濟民堤口重建以防不虞

渠開自西閭村由馬到固達大小張村十餘里溝分四

十有六灌田九千六百九十畝有奇工肇于是年之夏

四月未閱月而告成中墾荒地二百四十畝以贍兩學

二十畝以贍社學二十畝以贍義塚立老人總甲以時

啟閉勤牛耕督農蒔蠶鹵悉化一望秧苗見者謂為小

江南轉徙因而復業者百餘家仍于右路濬大溝直達

洛河越四十里以曳餘水生民不覺其為勞亦不知有

慙之災矣君子曰自用者忌有我者憇憇則畏憚而不

敢為忌則激亢而不樂人為是舉也石南敢為金山樂

人為于愛民之仁見和衷之義故記之因以勸不相能

而心之未休休者柳公直隸廬江人庚戌進士楊公直

隸華亭人
次西閭村廣濟開崇禎十四年知縣郝綱建邑人

允記成化二十年郡伯李公倣西門豹遺意始創利民

開城南攸賴嘉靖間高公斟酌水利蘇大慈村鑿堤砌

石引水灌護駕等村分浚溝洫教民秧稻萬姓便之後

來建開六道李公實開始焉七閭之一曰濟民間蓋倡

自司理石南楊公至乙丑秋適菴李公再修之崇禎十

三年歲大饑人相食土人計無復之擬引水灌田以救

殘喘西閭村堤居民李聯芳擬于濟民間之東百步許

另議建閘嗟乏資具予附馬眉白先王之後先輸百金

首倡並稟請太守歐陽公公曰善值郝侯繇肥鄉移吾

邑軫念民艱銳意修復迺于三月初九請啟堤土紅幣

焉歐陽公諱主生江西廬陵縣人郝侯山東齊河縣人進士

知府蔣以忠建肥鄉張學顏記萬曆甲申冬貞菴蔣公

郡人全活甚眾顧公憂匪懈思所以利民甚至循行阡

陌至城西南王家庄永年境也地斥鹵民難自力公相

視地形則淫水南來縈紆堤畔呼里人諺曰為若建閘

疏水北流資灌溉可乎里人且喜且叩曰公憐我敢不

盡力趨役乃上其事撫按皆報可公捐俸金若干委陰

陽官路文源庀材鳩工永年典史唐應修督之始于是

夏五月再越月告成不費公不勞民不需以歲月建閘

凡二以時啟閉轉斥鹵為沃壤嘉名用彰厥惟潤民民

大悅思表公績則要余為之記以垂不朽公蘇州府常

熟縣人進士貳守張君維翰別駕王君執法節推王君

遵訓永年令張次閘村惠民閘嘉靖九年知府高汝行

可久得併書云安陽崔銑記嘉靖戊子冬太原高侯守廣平是歲北

建域旱且蝗再歲矣明年乙丑春大饑高侯再雩夏又

雩不雨乃詔父老謀曰今郡南淫水東流越直沽入于

海郡北故有堤防其溢夫水決則害引則利聚則溢疏

則平是在長吏今若閘閘村之堤可慨溝胡賈至陳義

之污可達壑城東南之濠可瀦則變災為利何如父老

曰幸甚其僚同知張越通判張廷用張介推官翟鏡承

其志越五月庚午遂下令先溝事民大聚五日成閘堤

下有荒田二千畝高侯又令曰此得水皆為腴田予役

若一曰予一畝民家有三百願赴工一月閘成時啟遞

遷而東則陳義諸村可以溝焉轉而東南入城濠為壑庶無患也遂下令先溝事復檄照磨孫鐘典膳盧弼義官劉汝臯董治堤下荒田乃倣井田法十畝為坵九十畝為一井井立一長外八坵別以八卦又采孟子仁政必自經界始二十字編為田號溝塗封植均齊方正既而請于巡撫錢公侍御段公咸允之復建亭三楹于開之上建水神祠一間于堤之最高處築以周垣庀以雜卉經始于五月庚午落成于七月壬申凡工役材用悉取給于地而民不與焉額曰惠民開斯役之名稱情也哉然繼其事以承惠吾民者不無望于後賢因採教授張時亨所錄西南各開此最先建府志所謂至是始饒而併記之

杭稻之利者也後開壞萬歷十六年知府蔣以忠知縣

張可久重修肥鄉張學顏記萬歷丙戌歲大禔丁亥旱與令王君相與謀曰吾鄉之田賴高公之開民得致力

于啟閉歲獲有秋茲歲久開地溝渠壅塞修之不在人乎乃白其事于郡守蔣公邑令張侯惟時方以民飢理賑事聞之喜庀材鳩工俾佃田之家以人力佐役徹其

舊而新之不閱月告成澤流潺湲禾畝雲櫛民皆懽然相告欲立石紀功以勸來者問言於予竊謂天生五材民並用之水土天地自然之利也茲開之建高公創之於前蔣公暨張侯修之於後使長民者其作用皆如是不稱治世哉鄉人感德弗忘亦可以觀民心矣張侯河南鞏縣人救荒一事郡邑同心可質天日因無預聞事不次田加堡阜民間東距郡城八里嘉靖四十三年知

府瞿晟建萬歷己卯知縣馬翰如重修邑人申佐記阜民開前太守瞿

公所建事在嘉靖庚申歲至萬歷戊寅夏霍雨開被大水衝齧邑侯馬公愍然曰是閘養稻四千畝有奇顧愆然坐視耶明年春即親臨相度聚材鳩工戒程厘省以復民舊業經始于二月中旬告成于四月中旬公喜動顏色謂茲閘之建穡事其有成養育其有資吾政之慶幸一葺矣嗚呼傳所謂治民祇懼不敢荒寧者非公也耶公河南陳留人甲戌進士

八閘引水共治稻田一萬九千餘畝者為益民閘地在便民濟民二閘之間其故址今無可

考云至闢於城東者為利民聞在護堤東南隅先是城濠涸無水成化十二年知府李進因元人舊跡建閘灌田之餘引水入濠環植蒹葭菡萏邑人至今利賴而軍書旁午且資以禦侮城西各閘大率因用其制澤及百世崇祀也宜哉本名惠民閘

李進自謨記距府南五里有濠陽河其味甘溫引之可以灌環城之田成化甲辰春進奉命來知府事越明年乙巳遇歲旱日夜焦思計無所出遂相河堤高厚處通一渠引水灌田以紓民憂不再月溝道通續用椿木磚石包砌臨河閘口二座引水灌田田間東西開通總渠一道南北分開副渠六道副渠之間又各通小渠支分區別以便澆灌其澆灌之序每年二月初一起至九月終止自東而西週而復始計所灌田總若干萬畝然慮無人時常看守及委官往來巡視提督未免豪強攬越水次愚民盜水灌田及日後閘口渠堰損壞無人修理水利廢弛遂以其事白於按治柱史柯公准令閘口

僉設老人一名人夫三十名總渠設總甲一名副渠設小甲六名各蠲徭役責令看守巡視仍專委官一人總理其事由是巡守有人灌田有序修廢有託而水利可行也茲將建閘始末永勒於石以紀歲月若夫隨宜增擴使我民享無窮之利端

有賴於後之愛民君子云

成化二十三年知府王衡重修改為利民

自記余友田沃李君時勉以甲辰三月由戶部郎中來知廣平遭亢旱循行阡陌田稼枯槁無可救者憂形於色於是謀諸寮案同知王君經通判葉君相劉君寧推官張君公玉廼相城外與隅五里滄陽河曲地勢高厚可引而救焉相視莫逆斷然鳩工民皆樂從決渠北注聞而落之時其啟閉以蓄以障以受以曳支分東西灌田若干萬畝抱城鑿池導水環流種荷植柳芬芳陰翳因各其閘曰惠民前此未嘗有之也丁未三月時勉以外難去王君以僉憲升余與朝邑劉君讓代之思其人而美其績有餘慕焉若夫甃之未備灌之未均經界之不正人事之不齊凡可繼而行之以既時勉已成之功者余將何辭初聞名曰惠民者時勉名之也謙詞也余復僭易之曰利民者何不曰民之所利而利之乎不言所利此時勉之所以為大也

萬曆二十八年署知府推官胡東漸知縣耿鳴雷重

修邑人蓋國士記永年有盜河從郡之坤隅來憲廟時

太守李公於郡之東南五里許建利民間可灌田數

百頃實為濱河諸閘倡首民至今思之歲久河移石菑

崩圯醜渠淤塞民不沾水利者幾二十載郡庠弟子員

李一選等因早魃為虐成思疏瀹復故乃請於司李胡

公公時視郡篆即日往視進諸父老曰今縣官仰給東

南治水使者相望四出然卒鮮成績矧乘可因之勢而

收無窮之利今若等引臯陸之水以灌澤斥之區使石

田皆為沃野奚不可者又請之邑侯耿公公亦如胡公

所言乃共捐俸資辦磚石委邑簿段可學庀具鳩工甫

閱月聞功告竣引水入灌先功最而後次及豪強者無

越踰焉民沾沐厚恩相與歌曰不有司李孰為之始不

有邑侯孰為之籌又欲勒石垂久而徵言於不佞竊以

為兩公乘可因之勢定不拔之功慘澹漫漾萬世永賴

豈沾沾煦煦者之可得比哉胡公山東章邱人進士

國朝順治中知縣余維樞重修自記城東南利民間臨塗

陽河上就大堤決渠導水

灌田七百餘畝有總渠副渠凡六道副渠之間各有小

渠支派井如又設老人渠長總甲小甲為約束敢閉以

時運灌以次侵奪者有罰著為令歲或少雨民蒙其利

歷年既久水齧址不治河亦改徙故道波濤突怒若建

既而注堤上民舍暴潰環城皆瀕焉順治丙申余奉乏

茲邑載行堤上見故閘淤塞城以外涵泓渟蓄水無所

制會郡守許公講求水利相與鳩工治事用民力則按

隄下需水地畝較上中下以分多寡用物力則簡舊開

磚石之屬得其半資發砌約其費凡鄉紳士民之樂輸

私錢之捐助得二百餘金徙舊址稍東表裏建閘開濬

溝洫一準諸前法乃隨引水至城南與魁星樓相映帶

漲則閉之俾水循河故道負郭斥鹵悉成沃壤父老請

誌諸石余曰噫唐盧遵云賢者之作必利於民反是罪

也余襲前人創造之迹修廢舉墜求免罪云爾烏足以

言功哉繼當斯職者因勢通變不迤北為安民間嘉靖

靳疏淪培植之勞余將跂足待之

四十三年知府柳希珙建

許多有丁記廣平郡東南五里

頃年大水漂廬舍閭淖為河民弗得寧亦緣汙澤故益

下注之於是廣平被水害視他處獨倍郡守柳侯至則

水

水

視地形勢相機宜計之曰是地卑土疎水無從泄處計及卽無如聞者又可得以溉田遂掄日料工下隄旁築崇基重甃累石中設層版爲水道聞就水降土升不相溷由是百年棄地皆沃野矣茲役也始於壬戌夏四月畢於六月報成僅閱百日安民聞侯所自命云侯直隸廬江人進士附邑人馬之麟栽稻議廣武城龍脈從太行明紫諸山而來至城域凝滙十數里大凹東南突起長坡環繞於二面之外城在凹中西北數十里之水不能不爲城患故築大堤於西北二方高與長坡埒堤內外斥鹵水草所生水族所聚民間不盡藝禾黍或產鹽硝魚鰕蘆葦利亦不薄每歲旱則隨便開殖雨多則暫同巨浸不概苦滄沒嘉靖間郡守瞿公憫其地受水又見東南有引滄水之閘分溝濬渠銳然與民共稻而水無所洩後守柳公念其然因於北堤建一出水閘又於正東添設一閘意欲盡四關而稻之不料堤外高而堤內稻田在其下水卒不可出萬歷三十一年郡丞徐公季憲委專興水利無以應上求也復謀諸兩閘之稻田課東南閘有薛公護關堤環阻於外久不與城河通稻水無可議洩獨正東一閘正城河引滄水之所需每歲旱不下三五次放水或半月旬日而始足東關兩旁

民田正當水之來路若令水先經其田而後入城河則彼田可借栽稻而城河卽爲受水之區於是增開河堤受水之口而後下令民間栽稻東關二十餘頃沮洳之場遂超出各關土田之上茲北關忽朦告本府謂東南兩關獲小利而西北獨受水害永不許栽稻但客歲淫潦四關一轍北關乃指爲一己之利害而歸咎於東關稻田何其不情之甚耶且徐公先計稻田餘水而後修藝稻實政今無故鑿空而証其大害於理何安故著城域形勢及稻田顛末以備興除者之採擇焉按徐公名仕登豐城人所稱東南閘卽利民閘東閘卽安民閘謂利民閘興於瞿公出水閘建於柳公皆與舊志不同觀此議則引安民閘灌濠當年已行之矣特錄之以備考本用灌城東之田咸豐九年利民閘淤淺知府王啟會乃改啓安民間引水入濠地近流疾同治七年禦東捻有效知縣王德炳援利民間之例酌減閘旁四村徭役十之四五令以時守護濬治焉又東爲東便民閘距城

五里在借馬庄順治十九年知縣余維樞因舊址重修邑人葉騰鳳記永年東南距盜不數武舊有便民小閘為一方利賴漳水入溢流潰圯祇遺舊址邑侯余公巡行阡陌見而動念謂此閘復修不毛可為沃壤諸紳士聞而德焉率鄉民葉正旺李君寵等以復閘請侯曰善鄉人按地出資鳩工集材不閱月告成是歲旱吾後鄉以有秋爰勒諸石以誌不朽侯新安婺源人也

廢乾隆九年知縣王玲重開改藝粟麥民稱其利堤北為通水閘則洩堤內稻田之水達牛尾河者也嘉靖間知府李騰霄建吳惠記古今民利莫大於水害亦莫大於水廣平府治洺河在西北滏陽河居西南流皆東北向越直沽入海府城其舊頗下即夏秋之交西山雨或久則兩河汎溢甚至漫堤越濠民胥假筏以渡及四門埵小徑曲行延三四年水始涸民咸病之李侯至詢知治不可緩乃上其事於撫巡皆報可於是委官往為經畫俾先修堤築防於東北隅置一閘以障其入又經陳義等村沿古路鑿溝以導其流作始於

嘉靖壬辰二月於六月工告訖嗣後溢決則趨下有渠洩決則復入為記蓋舉數十年之患而一旦除去之其惠利一方嗣以閘外地高於閘內水發或更倒灌復廢為何如哉

雍正八年水利營田府遣官相度即舊基建惠民閘前志所謂

勅建惠民閘是也

邑令侯可大記按前志城東之閘三南曰利民引水入濠即以濠為壑北曰便民以

灌堤外田今久廢東曰安民在宏濟橋南數武入閘口經馬頭分流官路兩旁以灌岸上之田餘水則流於西北其地遂藝稻而北郭地勢下居民病之康熙四十一年邑令于公有慶從民請復開用以灌田亦不復藝稻嗣後磁州改屬廣郡啟閉既時泉流斯溥京南局營治上入閘稻田稻頗登田亦漸闢官民賴之乃度地至安民利民二閘見溝渠如故議興復水利慮北關非受水之區既而升堤見鳳凰口廢閘舊基喜曰水可從此出矣規畫既定繪其圖而上之

上可其奏特發帑金遣官營建高一丈六尺寬二丈五尺砌以

磚石外築月堤護開口始二月初旬告竣於四月既望
一時有小江南之目惟堤外水暴漲恐乘以入相時度
勢加築增修葺茲土者之責也開內外營治水田二百六十九頃二十

一畝乾隆元年知縣丁應蕙請酌改水田為旱田以從

民便道光十六年知縣王瑣復遷開於迤東黑龍潭西

嗣復以開外地高廢此途陽水利之大畧也永年各開

皆傍堤引水入地而不絕其流旱澇與下游共之上游

磁州邯鄲多攔河橫開每因爭水構訟其事之可考者

茲備列之萬歷間知府劉芳譽毀邯鄲攔河開從永民

趙邦彥等請也邯鄲陳國護于邏城頭柳林村建攔河

二閘壅水涓滴不下邦彥陳其五害一曰毀壞成田七
閘既開百年來人

享其利橫開設河水枯稻秧槁遍地鹵鹹縱有分水明

文彼已雄據上流待經官辨理動出旬日而田已生煙

矣一曰衝沒良田橫開所澆不過數村而數村之中高

者得利卑者湮沒山水暴漲河開不通洶湧四潰民盡

為魚一曰留難國課畿內食鹽自運入途經河間真順

廣上至磁州皆仰給一水途河一閉而鹽船阻商困稅

減南糧之運自青縣以下亦不得借此水之潤而漕受

其害一曰虧損民用承邯西山窰出煤炭石炭及磁之

器皿礬皂紅土等貨繇船載至曲雞等縣順真河間等

府咸取足焉開建工商坐困生民日用之需誦矣一曰

傷害風水在昔河水滌洞地靈孕秀人文鵲起橫開既
建而人文大減於前仕宦多不達地有水猶人有氣脈
豈有扼其吭絕其氣脈乎芳譽會四縣同勘邯鄲令孟三
而其人病且死者乎遷謂宜毀尤力推官胡東漸贊芳譽主其事牒云途入
邯出雞經
數百里岸地俱高水不可上獨永治南數里地下鄰河
何腰鑿孔即可洩水灌田稻續建七閘雖啟閉不常而
河流如故豈惟不與邯爭且不與水爭也邯人橫開上
流積水直至岸上然後溢出又鑿小河至二三十里外

灌溉旱田此與過潁在山何異不獨永人之議當毀有五卽邯人之謂當毀有三若果地可偏開亦如永制不至絕河流以釀水害邯永同一赤子也又何靳焉開遂毀永人為芳譽建祠於

城東芳譽去後二閘復建順治初邯民王聘之等又于

蘇里建橫閘一座名引水護臨洛城永民訟之王者為

調停說謂邯地宜麥自八月十五用水至三月十五止

永地宜稻自三月十五用水至八月十五止按此卽後

所本每邯閘應開閘板十六葉送貯府庫然奸民率以朽

敗之板送官閉閘如故永民復訟知縣余維樞與邯令

會勘建議毀之議曰邯鄲蘇里閘原因護臨洛城而起

僅為邯民灌溉之用耳茲永邑紳衿公呈指陳利害甚晰蓋以河流橫截水不下注城濠將涸八閘稻田由此

必廢萬戶怨咨又邯民因閘開溝官堤湮沒無以禦西

山暴潦郡城池處卑下恐一旦貽害不小由此論之橫

閘與偏閘孰公孰私洛堡與郡城孰輕孰重斷斷乎宜毀此不待再計較而可決也此爭之在邯

者也雍正二年磁人築攔河三閘水不下行前郡守張

廷勳因引見條奏廣平府地臨滏河舊建八閘以資

河南磁州據滏河上流築攔河三閘水不下行夫水利

於流通築堤壅水使鄰民為壑固所不可設閘阻水使

鄰田受旱亦所不可也况商船載貨由滏水以抵天

津通州等處常為三閘阻滯商民未便臣所深知也

旨下兩省勘議且慮權不攝則法難行

特允怡賢親王奏以磁州歸隸廣郡奏言明臣高汝行朱泰等

河民皆富饒秔稻之利甲於諸郡近年以來水田漸改閘座所存無幾由磁州之民地居上流攔河築壩無論水少之時涓滴不下卽至水多之日亦壅塞甚堅必待經過商船斂金買水乃肯開壩放行以至下流諸邑田

土枯焦不沾勺水之潤因爭與訟累歲不休雖均水之斷案如山而各屬之抗違如故此承年水田之所以坐廢也查磁州舊屬廣平請仍舊改歸則盜陽一嗣復奏河全由直境統轄均水息爭同安樂利也已

奉部議留水灌磁州則東西兩閘五日俱閉放水灌邯永等縣則東西兩閘五日俱開至磁州之西閘及邯永等縣之諸閘又各該地方均平水利作何按日啟閉分漑令本省詳查定議正定府童華大名通判遂選議改磁州為一月六啟仍留水底閘板以蓄餘水磁邯永曲雞五州縣公議邯鄲介在磁州之下承年之上地勢頗高向例自八月二十三日以後至次年三月二十三日以前始開閘蓄水澆地種麥若照磁閘之例五日啟閉

則點水不能到地無可漑麥前京南局議每月逢九開閘一日以通商船農民既灌漑有資艇戶亦應期而至實為兩得其平其承年以下皆偏閘進水無關利害仍聽從民便詳奉 憲批准行此爭之在磁而兼及於邯


者也順治年間知府許瑤禁奸胥封閘請監司立石府

治前 承年民呈稱城西大堤外稻田百餘頃用溢水澆

則麥稿秧枯一歲生計遂絕不知始於何年小滿前數日吏胥朦朧作奸稟封八閘席貼土填涓滴不漏云欲引水入城河夫城河關係城守誠不可令乾但小滿以前為時儘多夜灌城河畫澆民地未嘗不公私兩便今於小滿封閘乘隙扼吭科錢無算必飽欲壑而後得開此民間隱痛而無所控者蒙洞見源委早令開放吏胥不敢為奸小民大受其惠但恐異日前變復作懇乞大張明示勒令八閘鑿石小滿前夜灌城河畫澆民地自

小滿以後不許封閘垂為定例 按府志謂各閘稻田小滿前後用水浸種下秧不可遲悞城濠蓮藕歲納河租往時遇旱乾輒與民爭水吏胥作奸故小滿時稟官放水入濠封閉餘閘農民不得灌溉則斂金以賄之許
始革 復以本閘用水亦多爭競立分水法近田以夜
 遠田以晝此又奸胥射利及爭之在本境者也大抵利
 之所在眾咸趨之積漸釀爭甘犯嚴禁而不悔濫源又
 甚微弱每遇旱暵上游輒閉閘涓滴不令下亦僅足自
 漑其田非有盈餘可以分潤鄰壑故有司雖敦勸設禁
 而莫之止同治十一年查勘濬河委員稟經 督院批
 准磁州三月閉閘九月放閘仍照原章一月六啟邯鄲
 改遲至十一月初五閉羅城頭閘十日閉次閘又十日

閉未閘至次年三月二十五日三閘盡啟遇旱報官通
 融啟閉不得過十日各偏閘每十日准啟三日蓄水然
 光緒二年夏旱上游閉閘如故也若夫距水遠者道光
 二十三年督院訥檄飭各屬敦諭農民各置灌地水車
 當時稟復謂四鄉一百九十六村舊有四千七百七十
 七井新開三百九十七井而水車僅以公文造報民間
 卒莫行用 呈稱謂行用水車井易塌塌眾口一辭牢不可破 同治八年大名道
 錢檄飭勸農民鑿井錢公亦旋升任去夫河渠關數州
 縣利害誠宜居民上者代為謀之若鑿井耕田似於上
 無與乃不憚委曲告誡如此擊壤之歌或亦未之思乎



永年縣志卷七

知縣事江陰夏詒鈺續纂

田賦志

催科政拙儒者以為美談俗吏閒亦藉口嗟乎此道州為無藝之徵言之耳取民之制莫善我

朝畿輔根本尤厯

宸念蓋守永不加賦之

家法以藏富於民雖曩者師徒繁興驛騷遍天下而耕鑿恬熙民不知困又或偏灾朝報蠲賑夕下甚且不待疆吏奏請自以

特恩行之皆先畿甸以推及直省吾民生當今日不甚幸乎
宜何如力作無曠供租稅厚儲蓄以仰答

昇平守土吏願與其勉之也卷中凡分子目七曰蠲賑曰

正供曰起運曰留支曰學田曰鹽筴曰雜稅

蠲賑以前代者詳詳異志

順治十一年饑賑 十五年饑賑

康熙二十四年蠲免三年在田民租 六十一年饑賑

雍正八年大水賑

乾隆元年豁除民人周階丈缺地八釐六毫八絲三忽

七年夏旱賑 五十九年賑被水村莊並免是年田租

謹按康乾兩朝普免天下地糧數次雍正朝亦屢沛

特恩又凡恭逢

慶典豁緩積欠田租前志

既未登載亦無故牘
可稽知遺漏者多矣

嘉慶十八年旱賑並貸貧民籽種

道光二十六年夏旱貸貧民倉穀 二十七年秋饑貸

貧民倉穀 二十九年旱貸貧民倉穀

咸豐三年賑被兵村莊並免是年錢糧 七年蝗捐賑

十一年豁緩被兵村莊本積年錢糧

同治元年豁緩被兵村莊本積年錢糧 七年豁免被

兵村莊積年錢糧並緩徵本年錢糧 八年旱賑並豁

緩本積年錢糧

光緒二年夏旱豁免同治十一二三年積欠錢糧

正供

原額行差寄莊更名民地屯營共地一萬五百一十八頃四十四畝八分二毫一絲七忽一微九纖每畝各徵銀不等共徵銀三萬七千七百四十四兩五錢三釐二絲六忽三微七纖八沙四塵五埃二渺五漠七湖七虛九澄八淨共攤丁匠銀七千八百一十三兩二錢九分六釐二毫九絲九忽六微八纖一沙三塵七埃六渺五漠四湖七虛九澄九清三淨 二項共徵銀四萬五千五百五十三兩七錢九分九釐三毫二絲六忽五纖九沙

八塵二埃九渺一漠二湖五虛九澄一淨

新收乾隆二十二年查出民人鄭宣等認墾地三頃三十六畝六分六釐七毫三絲五忽照額外開荒地起科又李方等認墾地十九頃十二畝三分七釐九毫六絲四忽照焦村等場民地起科又張堯等認墾地十頃六十畝二分二釐九毫四絲五忽照開荒穀地起科共新收地三十三頃九畝二分七釐六毫四絲四忽應徵銀五十八兩四錢六分八釐五毫七絲五忽一微三纖三沙均攤丁匠銀十二兩一錢四釐 二項共徵銀七十兩五錢七分二釐五毫七絲五忽一微三纖三沙實在

行差寄莊更名民地屯營共地一萬五百五十一頃五十四畝七釐八毫八絲一忽一微九纖每畝各徵銀不
 等共徵銀三萬七千七百九十八兩九錢七分一釐六毫一忽五微一纖一沙四塵五埃二渺五漠七湖七虛
 九澄八淨共攤丁匠銀七千八百二十五兩四錢一釐
 二項共徵銀四萬五千六百二十四兩三錢七分三釐
 額外絲麻銀七錢二分
 總共徵正銀四萬五千六百二十五兩九分三釐又每
 兩火耗銀一錢三分共耗銀五千九百三十一兩二錢
 六分二釐

遇閏加徵銀一千八百七十三兩一錢四分三釐共徵
 正銀四萬七千四百九十八兩二錢四分一釐每兩火
 耗銀一錢三分共耗銀六千一百七十四兩七錢七分
 一釐
 起運
 每年起運正銀三萬三千七百四十二兩五錢六分六釐
 耗銀四千三百八十六兩五錢三分四釐 又留
 支改歸耗銀一千五百四十四兩七錢二分八釐
 遇閏起運正銀三萬四千八百八十六兩六錢七分二釐
 耗銀四千四百三十五兩二錢六分七釐 又留

支改歸耗銀一千七百三十九兩五錢四釐

留支

龍亭修理銀五錢

文廟修理銀十兩

文廟崇聖名宦鄉賢等祠春秋二大祭銀四十兩

關帝廟三大祭銀四十兩

文昌廟春秋二祭銀二十六兩六錢六分六釐

邑厲壇三小祭銀十兩

知府朔望行香銀二兩

知縣朔望行香銀一兩

知府俸薪銀一百五兩

知縣俸薪銀四十五兩

府學教授俸薪銀四十五兩

府學訓導俸薪銀四十兩

縣學教諭俸薪銀四十兩

縣學訓導俸薪銀四十兩

典史俸薪銀三十一兩五錢二分

府監禁卒十二名工食銀七十二兩遇閏加銀六兩

同知阜隸十二名工食銀七十二兩遇閏加銀六兩

經歷阜隸四名工食銀二十四兩遇閏加銀二兩

府學齋夫三名工食銀二十四兩遇閏加銀二兩

府學膳夫二名工食銀十三兩三錢三分三釐遇閏加

銀一兩一錢一分一釐

府學門子三名工食銀二十一兩六錢遇閏加銀一兩

八錢

知縣門子二名工食銀十二兩遇閏加銀一兩

皂隸十六名工食銀九十六兩遇閏加銀八兩內有作一作一名

兼充

馬快手六名工食銀一百三十四兩四錢遇閏加銀十

一兩二錢

民壯五十名工食銀三百兩遇閏加銀二十五兩

縣監禁卒八名工食銀四十八兩遇閏加銀四兩

轎傘扇夫七名工食銀四十二兩遇閏加銀三兩五錢

庫子四名工食銀二十四兩遇閏加銀二兩

看倉斗級四名工食銀二十四兩遇閏加銀二兩

更夫五名工食銀二十四兩遇閏加銀二兩

四街火夫十名工食銀四十八兩遇閏加銀四兩

衝要路坐舖募夫六十名工食銀三百六十兩遇閏加

銀三十兩

舖兵五十四名工食銀三百二十四兩遇閏加銀二十

卷之二
七兩

吹手四名工食銀二十四兩遇閏加銀二兩

先農壇農夫二名工食銀十二兩遇閏加銀一兩

典史門子一名工食銀六兩遇閏加銀五錢

皂隸四名工食銀二十四兩遇閏加銀二兩

馬夫一名工食銀六兩遇閏加銀五錢

防夫一名工食銀十二兩遇閏加銀一兩

縣學齋夫三名工食銀三十六兩遇閏加銀三兩

膳夫二名工食銀十三兩三錢三分四釐遇閏加銀一

兩一錢一分一釐

門斗三名工食銀二十一兩六錢遇閏加銀一兩八錢

知府鄉飲酒禮銀二十四兩

知縣鄉飲酒禮銀十二兩

府學廩生四十名月糧銀一百二十八兩遇閏加銀十

兩六分七釐

縣學廩生二十名月糧銀六十四兩遇閏加銀五兩三

錢三分三釐

孤貧一百九十九名口糧銀七百一十六兩四錢遇閏

加銀五十九兩七錢

孤貧冬衣花布銀五十五兩三錢九分一釐

時憲書銀三兩

貢生花紅旗匾銀二兩五錢

會試舉人盤費銀六兩

新舉人坊價銀二十六兩六錢六分七釐

新進士坊價銀三十三兩三錢三分四釐

新中府武舉人花紅旗匾銀三兩三錢三分三釐

新中府武進士花紅旗匾銀六兩六錢六分七釐

新中縣武舉人花紅旗匾銀三兩三錢三分三釐

新中縣武進士花紅旗匾銀六兩六錢六分六釐

武闈入簾公宴銀十兩

會試謄錄書手銀十六兩

坐支辦解本色芝蔴價脚銀五兩一錢九釐

以上共留支銀三千四百一十七兩三錢五分四釐

遇閏加增役食銀二百二十七兩二錢二分二釐共銀

三千六百四十四兩五錢七分六釐

驛站工料留支銀八千四百六十五兩一錢七分三釐

遇閏加增工料銀五百一兩八錢二分共銀八千九百

六十六兩九錢九分三釐支銷詳驛傳志

通共留支銀一萬一千八百八十二兩五錢二分七釐

遇閏通共留支銀一萬二千六百一十一兩五錢六分

九釐

學田

舊志隸學校按租銀既解司庫是亦田賦類也今改隸卷中

原額學田地四十二頃二十四畝一分四釐

新收乾隆二十二年民人鄭宣等首墾附近荒地三十三頃九畝二分七釐二項共地七十五頃三十三畝四分一釐按各則徵租銀不等共徵銀五百七十二兩四錢六分二釐

每年起解司庫銀四百兩傾銷等費銀四兩四錢八分三釐又起解廣平府同知衙門春秋仲月次丁致祭先賢冉子祠墓銀八兩二項共銀四百一十二兩四

錢八分三釐

存留支發紫山書院生童膏火銀二十八兩八錢三分移發縣學廩生貧士銀六十兩五錢六分撥入地糧項下銀七十兩五錢八分三釐三項共銀一百五十九兩九錢七分九釐學田租穀地五頃八畝每畝徵租穀三升共徵穀十五石二斗四升

每年運解廣平府同知衙門春秋仲月次丁致祭

先賢冉子祠墓穀五石

移發縣學廩生貧士穀十石二斗四升

鹽筴

額引一萬二千七百八十七道分認京引二百十三道
奉文提繳引一千九百五十道淨額引一萬一千五十
道內奉文減併一成引一千一百五引又於道光二十
五年六月准部議照山東引課併展成案每年減停引
十萬道承邑每年計停一千二百七十一引實在額銷
鹽八千六百七十四引

引鹽每包重五百六十觔每觔原定價錢二十三文

道光二十二年每觔加價二文後經裁減咸豐八年海
防善後案內仍加二文同治十三年蘆綱連年災歉本

重耗多每觔復加價二文以是年六月初一日起五年
限滿酌量停止現每觔制錢二十七文

雜稅


當稅郡城文昇當同治十二年開設

房地稅

牙帖稅

牛驢稅

右稅銀無定額儘徵儘解年終造冊奏銷



書名	永年縣志	
冊數	8	版別 老譜
定價	4元	
編號	南字第2178號	

北京市圖書出版業同業公會印製


直
史
161

56.12.25

富音


8冊 4元

3145



豐
民
海

永年縣志
卷之十




1131

表 0021 號

阿如表

阿如表



6